

存復齋集下

涵芬樓
藏第五集

舟復齋集下

卷之四
詩
七

存復齋文集卷之六

朱氏族譜傳序



昔周封魯未於邾子孫去邑以朱為氏歷世既久源長亦別支
為百宗不可殫尋其緒惟吾朱氏世系睢陽宋朝議大夫兵部
郎中贈司農少卿德潤九世祖也初遠祖仁執在唐咸亨中隱
居于亳從祖敬則累官至正諫大夫兼脩國史至十世祖漢賓
事梁太祖歷滋滑宋亳曹五州刺史贈太子少傅謚貞惠五季
艱難徙居睢陽宋景祐中九世祖貫積官至右司諫進兵部郎
中致仕偕杜祁公燕中睢陽為五老會宋人圖之七世祖喬年
以國子監直講進郊社令六世祖椿年入金為國子校勘轉太
常丞五世祖源潛隱弗仕時金泰和中淮蔡擾攘四世祖直閣
公子榮南奔渡江年甫六歲初拍瓜步津舟人需渡錢無有因

為竹篙柱墮江津泚而舟過丹陽公亦登焉舟人驚訝問所以
得渡公曰附舟拖來矣眾咸歎異同渡僧允謙因携以詣吳郡
守賈青：故慶曆相賈魏公之孫也實與朱氏世契乃俾托居
于史元長家及長好讀書貧無以養時販繒自給寶慶初為江
州文學仕止朝奉郎直秘閣以朱氏渡南之始傳也再傳而曾
祖大有仕止實錄院脩撰三傳而祖應得仕止太學正四傳而
至考瓊國朝初授無錫縣學教諭又調長洲學諭即謂人曰吾
家世儒冠自前代以來俱稱清白今為學職而位薄不瞻豈將
取諸人乎遂隱居教授不出專經之暇空遺文小史陰陽卜筮
之書靡不周覽元統中卒于家至德潤凡五傳焉嗚呼礼以大
宗小宗之別著為大全而族屬之三從再從同堂者則又盡于
總麻然則大宗之家雖五世絕族者亦為之齊衰三月則始祖

者雖百世祀可也若夫歲月之悠久土地之遐隔仕止之異途
繆述其宗族者有矣今則以其在譜者緒其傳有銘誌者記其
行事述為小傳自少卿而下凡八人使吾朱氏之子若孫閱譜
而得其傳閱傳而知其行事庶乎歲久之不忘而或有能開風
而作興者則亦朱氏之有人焉泰定元年歲甲子正月初七日
曾孫朱德潤序

高祖諱貫字貫道世本毫人五季徙家遂為睢陽人少警敏嘗
讀書一覽輒不忘明道中登進士第積官至古司諫進兵部郎
中治平中贈司農少卿公博學有識度常上書言治道謂英愚
不當並處若賢者在位則小人亦化為君子如蓬生麻中不扶
自直上嘉納之又言方今四方粗安然非謂太平也何則北有
強鄰西有叛虜數擾內地兵疲于外民竭于內而廷臣晏然自

以為太平往年西師大舉州郡虛耗設有乘輿而起雖善治者
不能料其後也況秉樞之臣與戚里同事忠勇之臣不得盡力
邊隅以陛下所宜深慮而明斷也上獎諭之擢右司諫慶曆中
將大用為言者忌遂以兵部郎中致仕退居睢陽偕祁國公杜
衍司農卿畢世長禮部侍郎王渙駕部馮平為五老會采人形
于繪事歐陽公為之賦詩皇祐中卒年八十九子喬年

八世祖喬年字公壽以蔭補為太廟齋郎少英爽自負數上書
言事為國子監直講以母憂結廬睢水村躬耕五年俸劬骨立
再起為郊社令卒年五十六子椿年

七世祖椿年字崧之金天德中海陵王南征盡有淮蔡之地大
定中公以選試經義中格授國子校勘文字三年轉太常寺檢
討因議封事不合乞歸田里十年將有事南郊起復為太常丞

上所撰郊祀禮書其略曰人主事天所以崇報本也若幣帛犧
牲儀衛音樂過奢則煩民而瀆神所費甚廣矣古者掃地而祭
蒲葉越席陶器範尊而能格神祈天者以盡誠敬故也後世禮
文滋多而誠敬甚闕蓋非報本之義也世宗約之尋轉掌國史
判院事卒年七十三子源

六世祖源字昌本介潔不群嘗閉戶讀書數月不交人事出謂
人曰吾所學者古賢人事何暇與若輩言稍出復閉戶如初然
少嬰疾金承安中卒年三十五子二宗

五世祖子宗字公顯晚號信菴少機警對人似不能言金泰和
中淮蔡擾攘公年甫六歲從居人南奔至揚子西津舟人需渡
金無有因為竹篙拄墮江津俄而舟抵丹陽公躍而登焉舟人
驚訝問得渡意公徐曰附托來矣眾皆嗟異同渡僧允謙奇之

携詣吳郡守賈青得寄育于史元長家及長好讀書貧無以為
養時販繒自給寶慶初詣行在所上書言時政授從政郎江州
文學又言方今邊隅之臣常受制于總領官或不詣軍旅者經
畫之際輒成齟齬自今已後朝官雖帶總領亦須詣練軍事庶
幾調度合宜況邊庭之上民情未決險阻未知而輒易乎臣此
皆措置失宜也書再上時相難之不報三年轉左藏提轄進直
秘閣咸淳中因論事忤賈似道送大理寺問得秘書家鉉翁力
解免然猶以歸正人安置淮西至元十三年江南歸附公歸卒
于吳年八十三子大有
曾祖大有字應之性嚴毅雖盛暑冠帶不褫景定中游藝鄉校
赴部用黃甲免試授太學錄上書言方今川口襄陽淮陽三鎮
糧草不繼而兵多疲弱宜遣沿邊州郡逆送糧草使持重之人

深溝高壘收丁壯為守禦計設有北軍至堅壁不動則遠來之
衆前進則有後顧之慮退保則不能久勢自解矣書上賈似道
以為切已不報既而似道謂曰汝賈門婿也何言事若此公答
曰某故賈魏公昌朝孫婿也由是似道益銜之竟誣以事籍其
家送大理寺問得秘書家鉉翁力為之解遂以歸止人安置淮
西至元十三年王師駐維陽公即着青衫乘白馬徑詣軍前伯
顏丞相以為宋探馬俾引至前公具言似道誤國失信被害忠
良故某得至此時平章尤公亦在因曰朱某宋名士遂堅欲爵
之公辭以仕官非所願但得正名義歸田廬足矣南服既定丞
相以尤平章至吳城凡宋所籍朱某家產悉還之由是頗營業
為隱居計晚愛內典與阮登炳何處尹等結華嚴會大德三年
冬忽說梵網曰予其逝矣熏沐危坐中宵合掌脫去年七十七

子應得

祖應得字仁仲聰敏有材幹事親至孝定省之暇議論古今父子自為知己咸淳庚午以上舍生會試授秘書省檢閱文字再授太學正以父言三鎮事忤賈似道安置淮西至元十三年江南歸附後復吳中隱居儒司以學校廢薦起提調學事改營廟學祀孔子使諸先游歌詩經邑子偉之學既成即復歸隱或勸之仕曰燭之寶已之聲中年之窮遇未遇彼何心哉又曰人生一夢水齊而汨火盡而傳天也大德五年卒年五十四子瓊老瓊字廷玉襁褓中隨父祖間關淮楚得復歸吳年二十五儒司薦為無錫縣學教諭又調長洲學諭歲餘謂人曰今世仕祿不足養廉將學而取諸人乎抑自當以資其生乎遂閉門與諸生講授三十年不出城府專經之暇至百家子史陰陽卜筮之

書靡不周覽聞人有能學如不及窮老益堅至弗違暇食遂與
世事日薄一室罄然陶器琴書外無長物歲久人持去亦不較
性疎坦每游林泉佳處遇樵人牧子即興忘情談笑終日清貧
晏如也三山劉宗師贈誦明復先生晚究易傳作先天後天八
卦互屬之圖明動靜隱顯屈伸之理占歲時豐荒雨暘祥稷悉
有徵驗至順元年歲庚午秋積雨浚屋所崩忽謂德潤曰明年
歲在辛未幹金支火二弗勝水民其災乎然吾太限六與歲君
併吾其弗支矣曰未徵汝高材博學身之勞也今聞廣譽忌之
招也諷之豈曰人道惡盈而好謙節之豈曰節以制度不傷財
不害民凡人欲之過者今于奉養之厚也先王制其本以節之
復天理也然久于其道者其惟恒乎以之脩身其惟復乎汝其
誌之吾家世儒冠先世渡江以來遭家多故不絕如綫百年丘

攏汝其保之汝母兆在坐甲向庚前望有水在艮之坤有剝復
之象焉順而止之所以觀象七日來復利有攸往若順而守之
其有復興者乎但攏抱陰防陰險忌然吾擇之審矣宜弗踰此
億造物者生我之亦與造物游耳葵祭之禮汝其勤之德潤江
拜曰敢不惟大人之言是聽至冬得寒疾明年春正月卒年五
十八

外附先賢跋睢陽五老圖

五老遺像儀刑儼然觀之使人肅然起敬朱氏子孫而能
保之真盛事也吳興趙孟頫書

歐陽公次韵謝偕觀五老詩云脫遺軒冕就安閒笑傲丘
圉經倒冠白髮憂民難種之丹心許國尚柏之鴻冥得處
高難慕松老無風韵自寒閒說優游多唱和新篇何惜盡

圖看當時君子其敬愛想慕固已如此况二百數十年之
後併得拜瞻五公遺像于一日豈勝幸願乎想見其高節
盛德泰合于治安極盛之日三代之下不亦鮮乎卷尾諸
公所跋皆南渡名卿賢大夫觀其書而思其人則有感慨
係之者矣按跋語淳熙以前在畢氏紹熙以來在朱氏今
幾二百年仍于朱氏之曾孫德潤見之信乎有德者必有
後也與泰定乙丑十月一日蜀郡虞集書

汶上曹元用馬祖常拜手敬觀

廣平程鉅夫拜觀

姚燧 馬祖常 元明善

致和改元八月晦河東劉致天台周仁榮宛平曹鑑彝岳
鄧巨川同觀于吳福孫樂善齋永襟久之謹識

天曆己巳清明日濟南韓輔顯于弼教堂

至順三年四月十二日宛丘趙期頤拜觀

至元六年後庚辰歲西夏韓玉倫徒拜觀

至元七年後辛巳歲春二月八日白野泰不華觀于吳郡

朱德潤之集古齋

汴段天祐敬顯

朱氏故兵部郎中致仕諱貫在五老中其次四會圖時年
八十八其孫後以金兵迫逐渡江僑居姑蘇今曾孫德潤
復以藝文遊播紳大夫間世澤之滋于是乎在東陽柳貫

顯

嘗讀睢陽丘老詩喜從遺像見光儀青雲事業俱休謝白
首衣冠各耄期喬木故家今尚在高山景行有餘思千秋

萬古丹青在珍重仍孫為刻碑晉寧張翥題

後學王守誠拜手

丘老衣冠圖盛事丹青未數上凌烟典型如在八
十宴賞以來三百年珍重當時人物論風流在世
子孫傳悠幾度東門市耆德令人敬儼然俞琿拜題

睢陽丘老並虛邪近代衣冠總不如千載高山存景仰
隱從溫浦望匡廬湘人李祁書于范氏之義庄

嘗思拜觀丘老畫像來吳中乃獲瞻拜于朱公之孫德潤
文房豈不榮幸我詩云私人君子其儀不忒其儀不忒正
是四國杜本敬題

右宋睢陽丘老小象一卷當昭陵盛治之時人物不減三
代丘老高年雅望告老燕居遙同里閭遂為佳會圖而歌

之以為衣冠盛事。距今三百餘年，儼然如生。陵谷變興，獨吳中朱公之曾孫德潤能寶藏之。德潤嘗以才學選為提學官，時出以卷於搢紳間，因以自勵。予分省中，吳復拜觀焉。嗚呼！文獻遠矣，朱氏業萬子孫，其永保之。鄱陽周伯琦敬書。

古五老圖譜故宋楊誠希堯石湖諸名公題跋，另有集卷不刻于此。後學朱德潤拜于敬書。

存復齋文集卷之七

李伯時二疏蜀贊

妙哉龍眠儀彼公卿圖餞二疏還歸其鄉漢嗣中哀誰其曾孫
霍也無術宣也少恩匪躬之節孰不君親位高爰博誘生禍臻
弗有退也胡知其榮南金帝錫車益幢旌進則師傳退則士子
我祿我親來偕甘美

伏覩明仁殿書辭敬南風詩賜功德副使臣旦小臣朱德

潤拜手稽首贊曰

於昭聖皇奎文玉章宸思睿造鳳翥龍驤南風之詩嗣舜重光
克念克敬盡美大韶書賜臣旦俾示在朝有協皇猷庶事孔昭
解溫阜財用康乂民懷而欣若時南薰凡我臣子欽哉聖文
湯先生碧山圖贊